

# ANG Bayan

Inilalathala ng Komite Sentral ng Partido Komunista ng Pilipinas



## Krisis sa ekonomya

Lumiit ang kita ng bansa sa eksport. Kasabay nito'y bumaba ang halaga ng piso, tumas ang presyo ng bilihin, naging matumal ang produksyon, at lumobo ang utang panlabas.

Sinasalamin ng mga ito ang papalubhang krisis sa ekonomya na nakauugat sa malakolonyal na relasyon sa pagitan ng US at Pilipinas na pinahiyog pa ng rehimeng Marcos (p. 3).

Ang krisis na umaapekto sa buhay at kinabukasan ng mga magsasaka, manggagawa, petiburgesya, at pambansang burgesya'y nagtutulak sa bayan na manindigan at lumaban.

ENERO 1983

## NILALAMAN

Mga Sulet 2

Bumabulusok pa 3

Pagbebenda  
para sa pinasidhing  
pakikidigma 6

Kung paano doon,  
gayon din dito 8

Di na natuto  
ang rehimen 9

Masmidya, pinesisigla  
ng kilusang masa 10

Mga Balita 11

Internasyonal 13

'Japanese' o 'Hapones'?

Mga kasama,

Napansin namin sa artikulong "Papalaki ang papel ng Japan" (AB, Nobyembre 1982) na "Japan" at "Japanese" ang mga salitang ginamit sa halip na "Hapon" at "Hapones" na siyang nakasanayan. Sa artikulo namang "Rebolusyong Oktubre" (sa isyu ring iyon), ang salitang "Rusya" at hindi "Russia" ang salitang ginamit.

Bakit ganito? Sa tingin namin, hindi kailangang gamitin ang mga katawagang Inggles sa mga kasong ito. Popular naman ang dati nang mga salita.

Ka Luisa at Ka Cecile

Mahal na mga kasama sa AB,

Bakit "US" ang ginagamit ng AB imbis na "EU" halimbawa sa "diktadurang US-Marcos"? Fwede kayang balitaan ninyo kami dito sa Mindanaw tungkol sa gawaing pagsasalin at pagpapalaganap sa Pilipino?

Binabati namin ang maganda't bagong anyo ng AB sa edisyong Pilipino!

Ka Adela

SAGOT:

Humihingi kami ng paumanhin kung nalilito kayo sa palibang-gamit ng mga salita sa edisyong Pilipino ng AB. Kung minsan, ang dahilan ay simpleng pagkaligta sa mga napagkasunduan. May mga kasong naman na ang dahilan ay ang kawalan pa ng matibay na pagkakaiba sa ilang partikular na punto sa legegwahe.

Sa ilang pagkakataon, nagkakahirapan kami sa pagpili ng salitang gagamitin. Dito'y umaasa kami sa obserbasyon ng pananalita ng mga kasama't ng masa. Malaking tulong din ang pagbibigay-pansin sa bokabularyong ginagamit sa ating mga pahayagang masa. Natural lamang siguro na hindi madali sa yugtong ito na makamit ang kasiyahan ng lahat sa bawat punto, tapagkat ang ating wikang pambansa ay barbat ng nagtutunggaliang mga impluwensya na siya namang ikinasisigla ng pag-unlad nito.



Isang halimbawa ng kahirapan ay iyong ukol sa pagtukoy sa iba't ibang bayan sa daigdig. Dati, naging palaisipan sa amin kung paano tutukuyin ang mga ito. May hango sa Espanyol pero Pilipino ang ispelang (Hapon, Estados Unidos), may mga pangalang Inggles (Burma, Denmark, Algeria), at mayroon ding mga pangalang parho sa Inggles at Espanyol, at walang pagbabagong ipinasok sa Pilipino (Nicaragua, India).

Para maresolba ang problema, ipinasya namin na iyon sa Inggles ang pangalan ng lahat ng bayan (pwera ang Pilipinas). Ang pangunahing dahilan ay ang pagiging mas kilala ngayon ng karamihan sa mga bayan sa pangalang Inggles. Dagdag pa'y nabawasan kami ng trabaho, dahil dati'y kailangan pang gumawa ng hiwalay na letering para sa mga mapang nasa edisyong Pilipino at Inggles.

Kaya, ang ginagamit namin ngayon ay ang mga pangalang Inggles gaya ng "Japan," "United States," atbp. Gayunman, nasa Pilipino ang pangalan ng mga rehiyon sa daigdig (gaya ng Asya, Aprika, Europa) at ng mga dagat, bundok, ilog, atbp.

Tungkol naman sa kung ano ang itatawag sa mga magsasayan ng bawat bayan, totoong may problema. Sumasakit ang tenga ng masaa sa "Imperyalisong Japanese." Sa kabilang banda, parang kakatwa rin na sa toob ng ilang pangunusap ay pagtutugin ang mga salitang "Japan" at "Hapones."

Ano sa palagay ninyo? Bukas kasing lagi sa anumang mungkahi ninyo tungo sa paglutas ng nabanggit na mga usapin.



Papalaki ang depisit sa balanse ng bayaran (BOP) ng Pilipinas sa ilalim ng rehimeng US-Marcos.

### Ekonomya ng RP

## Bumubulusok pa

Tuwing papasok ang bagong taon, parang sirang plakang imbensiyon ni Marcos at ng mga alagad niya na lubuti ang kalagayan ng ekonomya. Lagi namang kabaligtaran ang nangyayari. Tulad ng ipinakitang hitong nagdaang taon.

Tunigil ng operasyon ang maraming minahan, nakaatranka ang mga barkong pangisda, naiwang nakapinid ang mga bodega at kamalig, walang umusok sa mga kooperasyon... Ang mga tanda ng paglala ng pang-ekonomiyang krisis sa Pilipinas ay natatagpuan kahit saan.

Ang patuloy na pagbulusok ng ekonomya noong 1982 ay dramatikong nasasalamin sa paglaki ng depisit sa balanse ng bayaran (balance of payments o BOP), na umabot ng mahigit isang bilyong dolyar o mahigit riyas na bilyong piso. Ito ang pinakamalaking depisit ng Pilipinas matapos ang ikalawang Digmaang Pandaigdig, at mahigit doblang depisit noong 1981.

Ang balanse ng bayaran ay ang sobra o kulang sa pagitan ng dolyar (at iba pang asilaping ginagamit kapag nagbabayad sa labas) na pumapasok at lumalabas sa bayan. Ang malaking bahagi nito ay kabayaran sa mga kalakal at serbisyong ipinaport at inilaport. Sa gayon, nasasalamin din dito ang timbang ng eksport labas sa import.

Sinibilang din sa balanse ng bayaran ang paglabas at pagpasok ng puhunan,

paglabas ng ganansya ng mga mapresang dayuhan, kabayaran sa maraming panlabas, at gastos ng mga turista (kapwa dayuhang dumarating at mga taga-Pilipinas na lumulutas).

Mangyari pa, kapag labis-labis ang depisit sa balanse ng bayaran ng isang bansa, mas masibigat ang mga kondisyong ipinapataw ng mga dayuhang institusyon at espresa para ito makapangutang o makapag-import pa uli.

Ang balanse ng bayaran, kung gayon, ay matuturing na sukatan ng kalusugan ng ekonomya ng isang bansa.

Ang paglobo ng depisit sa balanse ng bayaran noong 1982 ay dahil, sa pangunahin, mas mataas ang ibinayad para sa mga import kayna limita mula sa pag-eksport. Matagal nang ganito ang kalakaran, dahil ng ating malakelonyal na ekonomya. Manggalat mahir'y binabarat ng mga imperyalista ang mga eksport na binibili nila mula sa Pilipinas at tinagasanan nila ang presyo ng mga produktong ating inilaport.

Ngayong kumakawag sa kumunoy ng krisis ang pandaigdigang sistemang kapitalista, ipinapataw ng mga imperyalista ang kamulang kagipitan sa mga malakelonyal na bayang tulad ng Pilipinas. Mas kaweri ang kamulang binibili mula sa mga mala-

kolonya, at sa mababang halaga pa nandun, samantalang iginigili ang kanilang mga produkto sa mas mataas na halaga.

Kung ihahambing sa 1981, mas mababa nang 12.7 porsyento ang naging kabayaran sa eksport noong 1982 (\$5.0 bilyon o ₱46 bilyon) at bumaba lang nang 1.6 porsyento ang ibinayad sa mga iniimport (\$7.8 bilyon o ₱71.8 bilyon).

Mas malaki pa sana ang deposit sa balanse ng bayaran kung hindi dahil sa dolyar na ipinadala ng mga manggagawang Pilipino mula sa ibayong dagat. Noong katapusan ng 1982, umabot na ng \$700 milyon o ₱6.4 bilyon ang kabuuang halagang ipinasok nila sa Pilipinas. Malaki pa ito nang halos tatlong beses sa kabuuang puhunang ipinasok ng mga dayuhan sa Pilipinas noong Guong taon ng 1982.

### Utang panlabas

Para matakpan ang deposit sa balanse ng bayaran, kailangang mangutang ang rehimen. Tinatayang nakapanghirap ito ng \$2.2 bilyon (₱20 bilyon) nitong nagdaang taon. Dahil dito, umabot na nang mahigit \$17 bilyon (₱153 bilyon) ang utang ng Pilipinas. Kung kiventahan, tumalabas na ang bawat mamamayang Pilipino ay may babayaranang ₱3,000 sa mga dayuhang pantangan.

Nakautang nga ang rehimen ng \$2.2 bilyon noong 1982, napunta naman ang katumbas na halaga sa pagbabayad sa interes at bahagi ng prinsipal ng dating hiniram.

Upang maibsan ang problema sa balanse ng bayaran, hinayaan ng rehimen na bumaba ang halaga ng piso kontra sa dolyar. Ang palitan ng piso sa dolyar ay umabot na ng ₱9.20 noong katapusan ng taon, mas mataas nang piso sa palitan noong katapusan ng 1981. Bagama't mas malaki ang kikitain ng mga nag-eksport dahil dito, tataas naman ang presyo ng mga iniimport na kalakal.

Sa pagmahal ng mga iniimport na sangkap at kagamitan para sa lokal na industriya, tumaaas din ang presyo ng mga lokal na yaring produkto. Tataas pa ang presyo ng mga bilihin sa sandaling ipatupad ni Marcos ang mga bagong busis at pagtataas ng presyo labans ng mga produktong petrolyo. (May balita sa p. 12.) Mangyari pa ang anumang pagtaas sa presyo ng bilihin ay iniinda ng karamihang manggagawa't nagssaka.

Tumaaas na nga ang presyo ng mga bilihin, lumilit pa ang kita ng masang anakpawis nitong nagdaang taon, kayat lalo silang nasadlak sa paghihikahos.

Lalong lumilit ang kita ng mga nagssaka sa kalagayang bumaba ang presyo ng iniimport na asukal at produkto ng niyog at tumaaas pa ang gastos sa produksyon. Nabawasan din ang kita ng mga manggagawa dahil sa shutdown at rotasyon. Mararaming nawalan ng trabaho dahil sa lay-off at taluyang pagsasara ng mga empresa.

Ang mga nawalan ng trabaho ay dagdag pa sa lumalaking bilang ng walang trabaho, na tinatayang mahigit 40 porsyento ng pwersa ng paggawa noong nakaraang taon.

Sa kabilang banda, maraming empresa ang nagreanda ng produksyon o pansementalang nagsara dahil sa pagtaas ng gastos sa produksyon at marumal na benta ng kanilang produkto.

### GNP

Palatandaan din ng pagliliit ng kita ng anakpawis at pagtatal ng produksyon ang mahinang pag-usage ng kabuuang pamamansang produkto (gross national product o GNP), ang sumang lahat ng produkto at serbisyong nalikha sa bansa.

Ang paglaki ng GNP para sa 1982 ay tinatayang 2.6 porsyento lamang. Ito ang pinakamahirang paghikbang ng ekonomya mula 1963. Ito rin ang pinakamababa sa mga bayang kabilang sa Asosasyon ng mga Bansa sa Timog-silangang Asya (Association of Southeast Asian Nations o ASEAN) nitong nakaraang dekada (1970-1979) at nitong nakaraang taon. Mas malaki pa nga ang inilaki ng populasyon, kayat sa katunaya'y wala talagang pag-abante ang ekonomya.

Ibinibitang ng rehimen ng US-Marcos sa pandaigdigang krisis ng kapitalismo ang kasalukuyang kalagayan ng ekonomya. Subalit ang rehimen na rin ang pangumabing bay pananagutan sa mas mahigpit na paglakatall ng ekonomya ng Pilipinas sa imperyalismong US na punang haligi ng sistemang kapitalista sa daigdig.

Kapalit ng paspolitika at pang-ekonomyang suportang ng imperyalismong US, pinapatakbo ng pangkatang Marcos ang ekonomya para umayon sa interes nila at ng mga monopolyong kapitalista ng US. Batay sa malakelonyal na ugnayan sa US, napahigpit din ang pang-ekonomyang pakikipag-ugnayan ng Pilipinas sa ibang imperyalistang bayan, pangumabing na sa Japan.

Subalit ang mga relasyong ito sa mga imperyalista ay nagbibigay lang ng pakinabang sa mga ito, at hindi sa Pilipinas. Ang dominasyong imperyalista at



pagkapupet ng pangkatang Marcos ang pundamental na mga dahilan sa likod ng problema sa balanse ng bayaran. Abot-laugit na utang panlabas, at kawalan ng pag-unlad.

### Hakbang at patakaran

Sa ganitong kaugayyan, ipinatutupad ng rehimen ng US-Marcos ang mga hakbang at patakaran para mapigil ang tuluyang pagbagsak ng ekonomya. Mangyari pa, ang mga hakbang na ito'y lalo pang nagpapahigpit sa pagkakatili ng Pilipinas sa US at ibayong nagpapahirap sa masa ng mamamayan.

Nasa sentro ng desperadong pagsisikap na ito ang pagtukumahog na pag-eksport ng isahat at kahit anong pwedeng maipagbili sa labas; ang paghahain ng dagdag pang panggenyak sa pamamuhunang dayuhan; at ang paninikuhod sa mga dayuhang nagpapautang.

Tulad ng nabanggit sa itaas, malakas magpasok ng dolyar sa Pilipinas ang mga manggagawang nasa abroad, at kundi sa kanila'y bumagsak nang talaga ang reserba ng salaping dayuhan nitong nakaraang taon. Hihigpitan ng rehimen ang mga regulasyon sa pagpapadala nila ng kahod mula sa labas ng Pilipinas, upang hatiin na nakahulog sa kasay ng guberno ang dolyar na kinikita nila.

Bukod sa sanggagawa, nang ano-ano ang nailisip lekport ng rehimen, mula sa pariparo hanggang malunggay. Kaya lang, bihira ang bumibili.

Para maakit pa ang dayuhang pamamahunan, dagdag nang dagdag ng mga panggenyak na nakapalocb sa di kakulangin sa 183 iba't ibang batas. Kabilang dito ang malalaking diskwento at pagtilibre sa buwis at, nitong huli, ang alok na ituring na mamamayan ng Pilipinas ang xipumang dayuhang nagpupuhunan dito ng \$200,000. Mangyari pa, ang pinakamalaking pain sa kasila ay ang subabang pasahod sa manggagawang Pilipino.

Ang siste nito, mga 90 porsyento ng kapital ng mga dayuhang ekspesa, laluna ang mga nasa export processing zone, ay sa loob din ng Pilipinas nanggagaling. At sa pagluluwas naman nila ng ganansya, mas marami pa ang inilalabas nilang dolyar kaya ipinapatak. Kayat ang dayuhang pamamahunan ay lalo lang pagpapalala sa depisit sa balanse ng bayaran.

Sinasabing ang ekonomya ng Pilipinas ay parang pasyentong grabe ang sakit, na nabubuhay sa swero ng dayuhang panteng. Bago pa man matapos ang 1982, nakalubod na ang rehimen sa harap ng Pandaigdigang

Pondo sa Pananalapi (International Monetary Fund o IMF) para tumingi ng garantiya para sa bagong utang.

Nangako ang IMF, sa maraming kondisyon, kabilang ang pagbabawas sa badyet ng guberno at pagpapasok ng higit pang maraming produktong dayuhan sa Pilipinas.

Sa pagsunod ng rehimen sa utos na tapayan ang badyet nito, ang pangumahing tinanggalan ay ang mga panlipunang serbisyo--kainugan, serbisyo at iba pa--at pamamahunan ng guberno. Subalit malaki pa rin ang badyet para sa makinarya ng panunupil sa mamamayan, laluna ang sa militar. Pero hindi pa rin sapat ang pondong panggastos maski miihitan ang badyet, kayat tataasan na naman ang buwis, singil at ibang ibinabayad sa guberno.

Kapalit ng pantang ng imperyalista, pinayagang pasasok nang malaya sa Pilipinas noong Enero 1982 ang 610 klase ng kalakal na dati'y bawal ang importasyon. Ang pagdagas sa lokal na pamilihan ng mga produktong ito ay di lamang pagkalustay ng dolyar para sa di-kinakailangang mga import, kundi ang matinding kumpitensya para sa mga katutubong empresa. Bunga nito'y lalo pang nalugi ang mga negosyantong Pilipino, at nawalan ng trabaho ang mga mamamayan sa ekspresang nagsara.

### Pananagutan

Malinaw na malinaw na ang mga hakbang ng rehimen para makaalpas sa gipit na kalagayan ay lalo lamang nagpapasidhi sa mga problemang likas sa isang malakolonyal at malapyudal na ekonomya.

Palibhasa'y alipin ng imperyalismo, ang rehimen ay masasa na lang sa pinakamaagang pagpikit ng kapitalistang ekonomya mula sa pandaigdigang krisis. Pero sa kalagayan na wala ngayong panlabas na pwersa, tulad ng gera, na magtutulak sa pagbangon ng ekonomya ng mga imperyalistang bayan, walabong maganap ang ipinagdarasal na ito ng rehimen.

Kayat ang ekonomya ng Pilipinas ay hindi talaga pwedeng usahan mula sa krisis at umabante nang husto hanggat di ito nakakahulagpos sa sakal ng imperyalismong US. Lalala pa nga ang krisis sa taong darating.

# Paghahanda para sa pinasidhing pakikidigma

Papalapit ang ilang tropa ng "kaaway."

Nula sa burol na pinagpwestuhan ng isang iskwad ng mga Pulang mandirigma ay bumaginit ang lumaan.

"Banat!" ang sigaw ng team leader, sabay hagit ng "granada." Ang "pagtabog" ng "granada" ay sinabayan ng mga "putok" ng riple ng mga mandirigma.

"Bumagsak" ang dalawa sa mga tropa ng "kaaway." Ang iba'y tumakbo para magtago.

Muling nagkunan ang team leader: "Segunda, kumain! Tersera, sugod! Prima, banat!"

Mulang nakaligtas sa "kaaway."

"Pasa Riining!"

Mabilis na sinussan ng mga mandirigma ang mga gamit ng "kaaway": isang Garand, isang M-75, tatlong M-16, at mga belt na namimintog sa bala.

"Pasa atrost!"

Masayang usatras ang mga mandirigma pabalik sa bahay-pulungan ng kampo. Easana ang mga "kaaway," nilagaw nila ang isinagawa nilang "tambang."

## Treyning sa HKI

Ang "tambang" ay bahagi ng kursong pampulitika at militar sa pinag-aralan kasekailan ng isang grupo ng mandirigma ng Bagong Hukbong Bayan sa Hilagang-Kalibugang Luzon. Tulad ng sa iba pang larangang gerilya ng HMB sa buong kapuluan, ang treyning na ito ay sistematikong pinatutupad sa rehiyon para sa ibayong pampulitikang konsolidasyon ng hukbong bayan at pagpapalakas ng katayuhan nintong lumaan.

Idinaos ang dalawang-linggong treyning sa maulap na kabundukan ng Cordillera. Binatohan ito ng may 40 Pulang mandirigma, lalaki't babae, kasama na ang mga instruktur. Karanihan sa mga mandirigang lumalak ay mula sa pambarangang minderya sa rehiyon.

Minati sila sa apat na iskwad. Sari-sari ang tipo ng kaniyang bayil-debabog, lumang riplang Haponex, M-16, AK-47, Garand at iba pa.

## Laman ng pagsasagay

Sa mga laktim, maestro at praktis, ginawang bahay ang mga paksa ng kurso: kasaysayan ng HMB, istratahiya at taktika ng digmang bayan, gawaing militar, kalagayang militar sa rehiyon at paunang lumaan sa mga sugatan o may sakit.

Nirepaso ng mga mandirigma ang tamok na mga sangayari at aral sa kasaysayan ng HMB, ang papel ng HMB bilang pangunahing organisasyong masa ng Partido Komunista ng Pilipinas sa pagsutulon ng digmang bayan, ang ganap na pagpapalalim ng HMB sa pamumuno ng PKP, at ang mga tungkulin, katapatan at disiplina ng bawat Pulang mandirigma.

Tinatalay rin ang kahalagahan ng inlayatiba, pikasibilidad at pagpapiano sa tagumpay ng mga taktikal na opensiba na siyang pangunahing pora ng aksiyong militar sa kasalukuyang yugto ng digmang bayan.

Ang bawat isa sa mga mandirigma ay sinamay sa paglilak at paghawak sa iba't ibang tipo ng riple at pistol, pagpipit at pagpapaputok mula sa iba't ibang pu'tayon, pagpapalit ng bala, at pagkakaibig at muling pagbuo ng M-16, karbin at Garand. Pinag-aralan din nila ang pagbabagis ng granada.

Nika nga ng kasamang pamumuno sa pagsasagay: "Hindi pa tayo nag-aral sa magpaputok ng tanon, magpandar ng helikopter at trak. Darating din 'yan. Pero ngayon, pag-aralan suna katin tungo mo ang mas talilagan."

Sa kasalukuyan, kailangan din nilang magpahusay sa paggawa at paghaya ng mapa, at paniniktik. "Kapag kumukuha tayo ng datos," idinilin ng instruktur, "hindi dapat ang sabihing adda (marami)!" Kailangan, ayon, na tiyakin ang eksaktong bilang, kailibawa'y pangitropa ng kaawa na gumagala sa beryo, para makayha ng wastong plano ang yunit.

Pinag-aralan ng mga Pulang mandirigma ang iba't ibang pora ng taktikal na opensiba, tulad ng ambus, kubkob o reyds, bulabog, insayping, pagdidisarna, pagpaparusa at isparo. Simundan ito ng pagdarag ng mga praktis na cooperasyon o "war game" sa lupa ng angkentro, ambus at kubkob-ambus. Ang pag-aral sa taktikal



na opensiba ay pinayaman ng pagsusuri sa ilang tampok na karanasan ng mga ganap na yunit gerilya at milisyang bayan sa loob at labas ng rehiyon.

Nagkaroon din ng pagsasanay sa paggalaw sa iba't ibang sitwasyon at tereyn, at target praktis. Sa target praktis, bawat mandirigma ay nagsenay sa pagpunitirya--mula sa tatlóng iba't ibang pusiyaon sa pagpapaputok--sa gumagalaw na target na yari sa malalaking poster na nagkakarikatura sa mga kilalang ahenteng pasista sa rehiyon.

Bahagi ng treyning ang pag-aaral ng pamang lunas. Sa pamamagitan ng drowing, maestra at lektyur na pinamunuan ng isang kasamang duktor, itinuro sa mga mandirigma kung ano ang gagawin sa mga hindi na humahinga, di maampatan ang dugo, bali ang buto, natuklaw ng ahas, at iba pa.



Binigyang-diin ng instruktur na ang gawaing militar ay hindi hiwalay sa gawaing masa. "Kung banat lang nang banat," wika niya, "samantalang wala namang ginagawang pag-oorganisa sa masa, o bise-bersa, mahirap maisulong ang rebolusyonaryong pakikibaka." Pinuna niya ang maling akala na mamumulat ang masa sa pamamagitan ng aksyong militar lamang nang hindi sila binibigyan ng edukasyong pampolitika.

Muling idiniin ng instruktur na ang rebolusyonaryong pulitika ang gumigiya sa lahat ng kilos ng hukbong bayan.



#### Mas mataas na antas

Ang treyning ay bahagi ng pagtatapos ng antas ng pakikidigmang gerilya sa rehiyon. Sa ganito'y tiyak na maiiayon ang pag-unlad ng hukbong bayan sa HKL sa pangkalahatang pagsulong sa abanteng subyugto ng istratchikong depensiba ng



rebolusyonaryong digma sa buong kapuluhan. Masunlad din ang kakayahang harapin ang mas sistematiko at mas masidhing reaksyong militar na ikinakasa ng kaaway laban sa HMB sa lugar.

Sa loob ng dalawang linggong treyning, mahusay ang naging pagsasamahang ng mga mandirigma na nagmula sa iba't ibang idrangan ng rehiyon, gayundin naman sa pagitan nila at ng mga namumunong kasama. Sa HMB, ang pinuno ay hindi tulad ng opisyal sa reaksyonaryong hukbo. Opisyal



man o karaniwang mandirigma, pinagsasaluhan nila ang pagkain, maging ito'y tuyo, sayote o kubuting gubat. Tulung-tulong nilang inaayos ang lugar ng treyning, at pinapahusay ang mga pasilidad ng kampo. Nagpapalitan sila ng ideya at karanasan. Sama-sama sila sa pag-swit ng mga rebolusyonaryong kanta, laluna'y ang naksabatay sa sarili nilang dangdang-ay, el-la-lay, salidum-ay, ulialen at oggayan.

Higit sa lahat, ang matagumpay na pagdiraas ng pagsasanay pampolitika at militar sa kabundukan ng Cordilyera ay patunay sa lubos na pagsuporta ng masa sa rebolusyonaryong pakikibaka sa rehiyon. Pinangangalagaan nila ang kanilang hukbo, tulad ng pangangalaga nila sa kanilang mga payaw, sa mababangong punong saleng, at sa mga gangsang lumilikha ng musika sa matayog na kabundukan. ©

## Planong Banzer

# Kung paano doon, gayon din dito

"Ang seryosong ikinababahalang namin ay ang hilig ng ilang relihiyosong radikal na makipag-ugnayan sa mga subersibong grupo," paulit-ulit na sinasabi ng rehimen nitong nakaraang ilang buwan, at idinidiin pa: "Hindi laban sa Simbahan ang pag-aksyon ng guberno kundi laban sa mga taong kasangkot sa mga aktibidad na nakasasama sa siguridad ng estado."

Waring lumang tugtugin na ang linyang ito para sa mga sumusubaybay sa mga tunguhin sa pandaigdigang kontra-rebolusyon. Sa katunayan, ang pagtrato ng rehimen US-Marcos sa mga progresibong kleriko ay isa lamang bersyon, napatugtog na, ng tinatawag na Planong Banzer laban sa mga taong-simbahan na may panlipunang komitment, doon sa Amerikang Latina.

Tulad ni Marcos, si Heneral Hugo Banzer ay isang pasistang papet na dikta-dor. Siya ang tagabira ng imperyalismong US sa Bolivia sa loob ng pitong taon, mula nang agawin niya ang poder sa pamamagitan ng kudeta noong 1971 hanggang sa maalis siya sa gamoon ding paraan noong 1978. Malawakang panunupil ang isinagawa niya laban sa mga manggagawa't magsasaka ng Bolivia, na nagtulak sa ibang demokratikong uri at sektor, kabilang ang mga progresibong tauhan ng Simbahan, na makiisa sa malawak na masa.

### Simbahan sa Amerikang Latina

Sa nakaraang 20 taon, malaki-laki ang naging pakikisangkot ng relihiyosong sektor sa mga progresibong kilusang masa sa mga bayan ng Amerikang Latina. Ginamit ng mga klerikong may panlipunang komitment ang impluwensya ng simbahan para ipagtanggol ang pakikibaka ng mamamayan, at marami sa kanila'y lumahok pa nga sa rebolusyonaryong armadong pakikibaka. Noong 1968, naglabas ng panawagan ang mga obispo ng Amerikang Latina para sa aktibong paglahok ng Simbahan sa mga pakikibakang "makapagpapalaya sa bawat anyo ng pambubusabos."

Samantala, hindi nagkasya ang imperyalismong US sa pagbibigay ng katakut-takot na suportang pang-ekonomya at militar sa mga papet na rehimen nito. Ang mga pagtatangka ng Central Intelligence Agency (CIA) na hatiin at impluwensyahan ang hanay ng simbahan ay binabatikos ng mga progresibong kleriko sa Amerikang Latina. Ang CIA ang sentral na ahensya sa paniniktik ng guberno ng US.

8/ Enero 1983 / ANG BAYAN

Ang Planong Banzer, na inilabas noong 1975, ay binubuo ng mga tagubilin sa pasistang militar ng Bolivia. Pagkaraan ng ilang panahon, ito'y pinagtibay ng 10 papet na rehimen na kabilang sa kaspad-rasyong Anti-Komunista ng Amerikang Latina.

Pangunahing nakatutok ang plano sa pagpapaigting sa pagkakahati-hati sa loob ng simbahan. "Huwag atakihin ang Simbahan bilang institusyon at huwag katiinanman ang mga obispo bilang isang grupo, kundi atakihin lang ang isang seksyon o bahaging pinakaabanta at progresibo ng Simbahan," anito. Dagdag pa: "Panatilihin ang mapagkaibigang relasyon sa ilang obispo at alagad ng simbahan, ... sa paraang hindi maniniwala ang opinyong publiko na may sistematikong panunupil... kundi ilan lang ang ginagalaw."

Habang kinokontrol ang ilang ordeng relihiyoso at bahay ng relihiyoso "sa isang natatanging paraan," tiaktikan ang lahat ng pari at relihiyoso, at gayundin ang ilang obispo. Samantala, magpapalathala ng mga pitasyon sa masmidya "para siraan ang mga pari at relihiyosong sumusunod sa mga abanteng linya."

Upang maiwasan ang "di magandang publikidad," anang tagubilin, dapat maging sikreto ang pang-aaresto. "Sikapin magkapagsingit sa kanilang papeles o kwarto ng subersibong propaganda o isang klase ng armas at ihanda ang istorya para siraan sila sa mga obispo at opinyong publiko." Ipapalawak na lang sa obispo ang pangyayari pagkatapos maaresto ang kleriko.

Sapagkat ang 85 porsyento ng kleriko sa Bolivia ay binubuo ng mga dayuhang misyonaryo, pinagbilinan ang mga pasista: "Higit sa lahat, atakihin ang dayuhang kleriko. Igit na sila ang responsable sa pagtuturo ng armadong pakikibaka at kaugnay nila ang pandaigdigang komunismo, at ipinadala sila sa tanging layunin na itulak ang Simbahan tungo sa komunismo."

May isang pangungusap sa Planong Banzer na nagsisiwalat ng lahat: "Makipagtulungan sa CIA."

### Pakanang US-Marcos

Sa gayon, malinaw na ang rehimen, na ang panunugis sa "mga subersibo" ay nasa pamumuno ng minister sa depensa na si



15 priests, warns  
 Enrile with NPA?  
 church on Reds  
 Priest charged  
 on explosives  
 Montelibano hits  
 the white priests  
 Cash rewards asked  
 for rebel priests  
 says priest  
 was a Marxist

Magulat sa kontroladong  
 peryodiko  
 si Enrile  
 sa plitan

Radical Clerics  
 Warned To Stay  
 In the Law  
 No quarrel  
 with Church  
 Enrile



Juan Ponce Enrile, ay gaya-gaya lang sa panggigipit at paggamit ng maraming taktika sa progresibong tanhan ng simbahan.

Noong 1982, marami ang inaresto, dahil sa pagpapareho ng pinatay at binaha ang kontroladong midya ng mga bera-berang bintang laban sa "mga radikal na kleriko." Sinisikap ng mga reaksyonaryo na maghasik ng anti-Komunistang pandokot sa hanay ng mga relihiyoso.

Ang pagkokopareho ng Pampang Enrile at ng mga kilos ng mga lokal na pariste ay hindi dapat pagtakhan. May lisang pasod ang mga papet ng rebisyon sa Pilipinas at sa Amerikang Latina, bagama't pinaghihiwalay sila ng kaluwakan ng Korapatang Pasipiko. Pinaglilingkurang ni-

laga labat ang interes ng imperyalismo ng US at ng sandakot ng katatubong reaksyonaryo, laban sa interes ng mabait na kaso ng kamamayan na kani-kani lang bayan.

Ngunit walang mangyayari sa kanilang pagmamikap. Sa walong patid na pagsulong ng rebolusyonaryong Pilusang sina, di napipigil ang paghatak nito sa parisi ang maraming tauhan ng simbahan, sa ibibigay ang kanilang katibay sa paghatig sa pakikipaka para sa paghahaso at paglipunang kalayaan. Mabang patid na pinahihigit ng mga Komunistang pakikipisa sa kaso sa pamamagitan ng makasarili, isang kasuwalaan ng mga ang napag-iwanang idinagan ng anti-Komunistang panglabadlong sa pinakamalawak ng paghahaso ng mga kamamayan.

**WELGA**

**Di na natuto ang rehimen**

May 10.6 milyong oras ng paggawa ang nawala sa rehimen ng US-Marcos bunga ng 155 welga ng manggagawa noong 1982. Bagama't naratunali ang welgang ito sa mga naganap noong 1981 (tingnan ang tabulasyon), mas matagal ang mga ito at mas malalaking kumpanya ang narektohan.

Nasaktan sa walang pakikar na pagpawelga ng mga manggagawa ang rehimen kaya dali-dali nitong inagrubahan noong Disyembre ang Batasang Pambansa Resolusyon Big. 475. Ayon sa resolusiyong ito, ibinabalik ang pagbabawal na nagwela sa labat ng industriyang kabanalaga at nakakasa sa eksport, paghiwalag sa ang mga nasa export processing zone, sa panahon non lumang na "nasa kasalukuyang krisis pang-ekonomya" ang bansa.

Sa epekto'y pinapalitan nito ang Batas Pambansa Big. 136 at 227 na nagbibigay kapangyarihan sa ministro ng paggawa at sa Presidente na ipagbawal ang welga nang kaso-por-kaso.

Walang bisa ng batas ang resolusyon.

Ngunit inilabas pa rin ito ng rehimen para alisin ang protesta ng mga manggagawa. Dikimang, ayon sa mga ministro ng gabinete, isa lamang itong "panatagad," "aifintunan para sa administrasyon," o "morsang" para sa manggagawa at kapitalista na angkasundo sa panahon ng krisis.

Ngunit nalinas na sa pamamagitan ng resolusyon, ibinabalik ang pagbabawal sa welga tulad noong panahon ng batas militar.

Sa kalagayan na malabong nalathon sa krisis ang ekonomya sa 1982, kooperado ang rehimen sa tunggalian ang mga manggagawa ng welgang sandata nila. Ngunit madalas itong nabihigo. Kamakailan lamang, idinagan ng Ministro ng Paggawa at Empleyo (DOTE) na nagiging "limit" ito sa pagpigil ng welga at ng panglabadlong ng mga welgista sa mga gayt ng mga kamamayan.

Talaga marami di na natuto ang rehimen. Ang aming pagbabawal ay di nakukopigil sa paggigipit ng mga manggagawa.

ng kanilang karapatan. Laluna't sila ang pinagpaparan ng bigat ng krisis pang-ekonomiya.


### Higit pang tubo

Habang lumalala ang ekonomiya, higit pang tubo ang pinipiga sa bawat isang manggagawa.

Ayon na rin sa mga datos ng Pambansang Pangasiwaan sa Pagpapaulat ng Ekonomiya (NEDA) ng rehimen, ang sahod ng mga manggagawa sa sangay ng manupaktura ay hindi umangapay sa paglaki ng kanilang produktibidad (o halaga ng nailikha nilang produkto). Sa loob ng 10 buwan, mula Oktubre 1981 hanggang Hulyo 1982, ang produksyon ng isang manggagawa ay tumaaas ng 5.9 porsyento, ngunit ang sahod niya'y gumapang lang ng 4.9 porsyento.

Tulad ng nakaraang mga taon, di katakataka kung bakit buong lakas na tinira ng welga ang sangay ng manupaktura, gayundin ang iba pang sangay sa industriya tulad ng minahan, agrikultura, transportasyon, at pagbabangko.

Noong Nulyo 1982, nasindal ang rehimen at mga dayuhang namamahurin sa walk-out ng 15,000 manggagawa mula sa 18 pabrika sa Batasan Export Processing Zone (BEPZ). Tiyak na puputok pa ang mga welga sa 1983 sa mga export processing zone na ang mga manggagawa ay damang-dama ang matinding hapagit ng krisis. Wala pang P15 isang araw ang kareniwang sahod ng isang manggagawa sa mga somang ito. Na-



Pagbabangko ng mga Welga	1981	1982
Bilang ng welga	260	155
Welgante	98,385	53,632
Karaniwang tagal (araw)	18	34
Kawalang oras ng paggawa (milyon)	6.4	10.6

ging ang tindi ng trabaho nila ay di tulad sa kareniwan.

Sa Pitalde Tools (Elitool) Special Project, na gumagawa ng tripleng M-16 at bala para sa reaksyonaryong hukbo, nagpiket ang mga manggagawa hege matapos ang taon. Nitong Disyembre, pumutok din ang welga sa Celtes Philippines (planta sa Batangas), China Banking, Mariveles Apparel at Sans-Ros (kapwa sa BEPZ), at naghabanta ang welga sa Ford Philippines, Marinduque Mining and Industrial Corp. (Negros Occidental), Coca-Cola Bottlers (Davao), at Pantranco South Express. ☉

## Masmidya, pinasisigla ng kilusang masa

Sa masmidya, ngayon, napskadalang ng mga isyu, artikulo at brodkas na prangkahang nagkokodentaryo at pumipintax sa rehimen ng US-Marcos kung ikukumpara sa araw-araw na pag-ulat ng propaganda ng rehimen. Sa kabila nito, napskadali pa ring matakot ng rehimen sa anumang puna na tutoo laban dito, laluna't kasangkot si Marcos at ang kanyang kasawa.

Matapos sarhan ang Ng Forum at arestuhin ang istap nito noong Disyembre, apat na babang peryodista ang pinatawag ng militar para isbistigahan, at isang editor-pablisar sa Zamboanga City ang pinatay nang araw na araw. Kinastigo ni Marcos ang isang nangungunang Gyaryo dahil inilathala nito ang pabayang ng mga derehidong pulitikal na neo'y nag-aayuno bilang protesta.

Ipinapakita lamang nito na ang rehi-

yon ay patuloy na nagshari sa panangitan ng panaskot at paggamit ng dahas, habang sinasabing nabuhali sa sa "normal" ang labat sa panangitan ng hukod na pag-salis sa batas militar noong 1981. Ilang araw lamang matapos sabihin "inalis" na ang batas militar ay saka naman pinwersa ng rehimen sa magrasyang editor ng isang magasin, patuloy na sinensor ang mga helita, at ipinansara ang dalawang istasyon ng radyo.

Subalit kahit lagasap ang pabini, paparaming mga peryodista at brodkaster mula sa radyo at telebisyon ang nangangahas igit ang kanilang kalatnang mamahayag.


Sa mga bansad, at laluna sa probinsya, sumasulpot ang mga peryodatang pilipit kumakawala sa pagkontrol ng rehimen sa masmidya, at mas nagsisikap sa ihalita ang mga tunay na pangyayari. Ang ilan sa mga pangyayaring madalag nilang nal-

bobrodkas at nailalathala ay ang mga abuso ng militar, anomalya sa pondo ng guberno, walig ng mga manggagawa, protesta laban sa pagpapataksik at demolisyon.

### Pagsulong ng kilusang masa

Ang kapansin-pansin na pagsulong ng bayag na kilusang masa nitong nakaraang dalawang taon ay nagbukas ng mga bagong oportunidad sa masa na magiit ang kanilang karapatang marinig sa pamamagitan ng masmidya.

Humuhugos ang mga manggagawa at mamamayan sa mga istasyon ng radyo, news room ng telebisyon, at opisina ng dyarbo; nagpapataksik ng konperensya (press



tinuligsa ng demonstrasyon sa Campo Aguinaldo at Cubao, Quezon City, ang pagdakilap sa mga peryodista ng We Forum at ang iba pang pagyurak ng rehimen sa mga karapatan ng mamamayan.

## MSA BALITA

### Samar

Paulit-ulit na sinalakay ng mga yunit ng Bagong Hukbong Bayan (BHB) ang maliit at nakahiwalay na pwersa ng Eastern Command (Eascom) sa Samar noong Mayo-Oktubre 1982.

Sa anim na tambang, dalawang reyol at siyam na operasyong isiparo, 32 walalakas na riple ang nakumpiska at nalipol ang 41 kasway (32 ang patay, tatlo ang sugatan at anim ang sumuko). Narito ang ilang detalye:

--Ambus sa isang iskwad ng 59th PC sa Giporlos, Eastern Samar noong Agosto 15. Nagaw ang dalawang M-16, isang M-203 at isang M-79 grenade launcher at napatay ang apat na pasista, kasama si Ten. Demetrio.

--Ambus at paglipol sa limang sundalo ng 15th IB (PA) na sakay ng pumpboat noong Hulyo 30 sa Ilog Cerubig, Northern

conference) ang mga istudyante, propesyunal at relihiyoso; at maraming mga walig at demonstrasyon ang sinusubaybayan ng mga reporter.

Bilang pagtugon sa kilusang masa, pararaming peryodista ang tumatapat sa paggigiit ng kanilang paninindigang paglingkuran ang interes ng mamamayan, gumawa ng sariling ibistigasyon sa mga suliranin ng masa, at humanap ng mga paraan para malutasin ang mga dikta ng pasistang paghahari.

Maging ang mga pabiliser at may-ari ng mga istasyon ng radyo at telebisyon na malapit sa rehimen ay umaamin na pabor sa kanilang negosyo ang mas malayang pagbabalita dahil dumadani ang kanilang mamabasa, tagapakinig at manonood.

Kaya, natatakot, at dapat naman, ang diktadura sa napakalaking potensyal ng masmidya na ipasail sa pinakamaraming mamamayan ang hinaing at mga ipinaglalanhan ng iba't ibang uri at sektor, at sa gayo'y daan-daang libo pa ang mapupukaw na kumilos laban sa rehimen. Mararaming beses nang binubusalan ng rehimen ang masmidya, na piliit namang nagpupumiglas sa tuwing humahabang pagsulong ang kilusang masa.

Sa paggigiit at pagdedepensa sa kalayaan ng mamahayag, kumukuha ang masmidya ng lakas at sigla sa kilusang masa. Gayundin, habang iginigiti ng masmidya ang kalayaan nitong magsalita at magsulat nang malaya, sumusuporta ito at nagiging di maihihiwalay na bahagi ng pakikibaka ng mamamayang Pilipino para sa kalayang magsalita, magtipun-tipon, sumamba, at iba pang demokratikong karapatan. \*

Samar. Nagaw ang limang M-16 at mahigit 500 bala.

--Paglusob sa kampo ng CHDF sa baryo Can-ilay, Can-avid, Eastern Samar noong Mayo 27. Limang CHDF ang napatay at nabihag ang anim pa. Anim na ripleng Garand at dalawang M-16 ang nasasasa.

### Quezon-Bikol

Tinambangan ng isang yunit ng BHB ang pito-kataong patrulya ng PC-INP sa General Luna, Quezon, noong Nobyembre 23. Tatlong sundalo ang patay at tatlo ang nakarakas. Ang isang sugatan ay ginasot ng mga Palang mandirigma at ipinabatid sa bayan. Nagaw ng BHB ang apat na M-16 at mga bala.

Sa Camarines Sur naman, inabus ng BHB ang apat na tauhan ng 11th IB(PA) na lulan ng mini cruiser sa baryo Haluben,

Lupi, noong Setyembre 26. Napatay si Ten. Rigos at dalawa pang sundalo at nasasam ang isang M-79 grenade launcher at dalawang M-16.

Semantala, pinatitindi ng kaaway ang pamamasista sa mamamayan sa hangganang Quezon-Bikol.

Noong Nobyembre 17, pinatay ng mga sundalo ng 31st IB (PA) ang limang tao, kabilang ang dalawang bata, sa sitio Dungen, baryo Kinatakutun, Tagkawayan, Quezon. Para takpan ang kanilang krisis, pinalabas na mga "NFA" ang mga biktima. Tinipon rin ang mga taga-Dungen sa paralan sa baryo at kinontrol ang paggalaw nila.

Sinimulan ng kaaway ang "barangay survey" sa saklaw ng hangganan noong Oktubre para magmanan at mamingit ng impormasyon sa mamamayan.

## Presyo ng langis

Malaki ang itataas ng presyo ng mga produktong langis sa derating na mga eraw, bunga ng magkatulong na mga hakbang ng rehimen at ng mga imperyalistang korporasyon.

Nitong unang mga linggo ng 1983, ginulantang ang publiko ng sumusunod na mga balita:

1. Sinabi ng rehimen na itataas nito ang presyo ng krudo, gas at fuel oil (langis na pangkatong sa mga plantang pang-industriya) nang di bababa sa 25 porsyento.

Kailangan daw ito para patuloy na magbigyan ng di tuwirang subsidyo ang pag-iimport ng mga kumpanya ng langis na sinasabing nalulugi dahil sa pagbaba ng halaga ng pisa laban sa dolyer ng US.

2. Hiwalay pa ang epekto sa presyo ng langis na ibubunga ng dalawang bagong utos ng rehimen. Ang mga ito ay ang 3 porsyentong dagdag na buwis sa halaga ng mga produkto (ad valorem tax), at ang pangangailangang bayaran agad ng mga importer ang mga taripa at buwis sa kargamento, kahit di pa man ito dumadating.

Gawa ng mga hakbanging ito--na aspekto sa isat ng bilihin--ang presyo ng gasolina lamang ay maasah na nang 17 sentimo sa bawat litro.

Gaya ng sa pagtaas sa presyo na binanggit sa itaas, ang naturang mga hakbangin ay inaasahang makapagpasok ng dagdag na pondo sa bangkaroteng rehimen.

3. Ang mga imperyalistang korporasyon ng langis ay nagpapalano ring magtaas ng sarili nilang presyo.

Tunay ngang ang mga imperyalista at ang rehimen ay nagkaspakat na mga tullisang humaharang kay Juan de la Cruz.

## Titser

Tumanggap magturo ang mga titser sa istwalang publiko nitong Enero dahil lagi na lang silang dinadaya ng guberno sa pangakong ibibigay ang kanilang mga bonus, dagdag na sweldo at mga alawans.

Nanguna sa sama-samang pag-absent ang mga titser sa Kamaynilaan. Wala ring klase sa marating iskwalahan sa Bikol, Pampanga at Davao. Marami pang ibang asosasyon ng titser sa probinsya ang nakikilira at naghahandang lumhok sa aksiyong protesta.

Di tumanggap ng kanilang pamaskong bonus--katumbas lang ng isang linggong sahod--ang 350,000 titser sa mga iskwalang publiko sa buong kapuluan. Patong pa rito'y di tinatupad ng rehimen ang prosasang itataas ang kanilang sahod at ibibigay ang mga alawans.

Napag-alaman sa ilang opisyal na kaya raw di binabayaran ang mga titser ay "mailinggit" ang ibang empleyado ng guberno na di rin nabigyan ng bonus o nataasan ng sahod. Katunayan, gaya ng alam ng isat, walang natitirang pera ang rehimen para sa dapat tanagapin ng mga titser at iba pang empleyado. Sa kabilang banda, bilyun-bilyong piso ang ginagasta para sa maluluhong proyekto at ayuda sa nagbabagsakang negosyo ng pangkating Marcos.

## Paghamlet

Kinumpirma kanakailan ng samahan ng mga abogado (Integrated Bar of the Philippines o IBP) sa Davao del Sur, na nagpatuloy at lumalaganap ang opahanang "hamleting" ng AFP sa Mindanaw.

Ayon sa list ng IBP noong Nobyembre 13, ilalampung libong mamamayan ang patuloy na nagdurusa sa mga hamlet na itinayo sa mga sitio't baryo sa pitong bayan ng Davao del Sur (Digos, Kiblawan, Sta. Cruz, Sulop, Matan-ao, Magssaysay at Samsalan), dalawang bayan ng North Cotabato (New Alimodian at Magpet), at anis na bayan ng Agusan del Sur (Awao, Sibagat, Sayon, Concepcion, Veruela at San Jose).

Sa Davao del Sur, ang ilang hamlet ay itinatayo noon pa nang Hunyo 1981 at ang iba naman ay itinatayo sa pagitan ng Nob-



yembre 1981 at Hunyo 1982. Sa mistulang age kulungang ito, grabe ang pang-aabuso at pangingikil na ginagawa ng mga pasista sa mamamayan. Kinontrol ang lahat ng kilos ng masa, laluna ang pagtatabo nila sa bukid. Tinatassahan rin ang bawat pamilya ng pagkaing pwedang bilhin at iistak sa loob ng isang linggo at nililimita ang paglalabas ng kanilang produkto. Pinilit din ang masa na magtrabaho nang walang bayad at pakainin ang pasistang militar.

"Taliwas ito sa ipinahayag ng ministri sa depensa noong Marso 2, na di nito sinasang-ayunan at kinukunsinti ang hamleting," dagdag pa ng IBP.

## Kanyaw

Nagpalabas ang rehimen ng diumano'y "grand canao" sa Baguio City, sa gitna ng matinding pagtutol ng mamamayan, laluna ng mga Igorot, sa paglapastangang ito sa mga tradisyon ng pambansang minorya sa Kordilyera.

Ang kanyaw ay kapistahan ng pagdiriwang ng mga taga-Kordilyera sa mga okasyong tulad ng masaganang ani, tegumpay sa gera at kasalan. Labag sa kahulugang ito, at sa paghahangad na mang-skrit ng

## INTERNASYONAL

### Pera sa kapayapaan

Pinaligiran kamakailan ng 30,000 magkakapit-bisig na kababaihan ang isang baseng militar sa Great Britain at libu-libong ibang nagpoprotesta ang humarang sa pasukan ng 20 baseng militar sa West Germany.

Patuloy na lumalake pa ang kilusan ng mga mamamayan sa Europa laban sa pagsasahan ng mga superpower na magkaroon ng tambak-tambak na armas nukleyar.

Ngayong 1983, nakatakdang madagdagan ng 572 bagong misel ng US ang duri nang istak ng 6,000 armas nukleyar nito sa Europa. Ilalagay ang mga bagong bandata sa mga bayang Great Britain, West Germany, Italy, Netherlands at Belgium, pawang miyembro ng Organisasyon ng Tratado ng Hilagang Atlantiko (NATO).

Dahil walang anumang kontrol ang mga guberno nila sa mga armas--ang komand lang ng US at ng NATO ang may pakialam sa paglulunsad ng mga ito--higit na ipinangangamba ng mga mamamayan ng Europa ang teribleng mangyayari kung magkaroon ng gerang nukleyar.

dolyar ng mga turistang dayuhan, ang rehimen ay ilang taon nang nagpapalabas ng huwad na kanyaw.

Kayat ang ipinalabas na mga kanta, sayaw at ritwal noong unang linggo ng Disyembre ay sinabayan ng militanteng mga aksyong protesta--martsa, ralli, piket at paninigay ng polyeto--na pinangunahan ng mga kabataan at istudyante.

## Oposisyonista

Inaresto ng pasistang militar ang isang opisyal ng People's Democratic Party (PDP) sa isang reyde sa Cebu City noong Disyembre 25, sa gawa-gawang bintang na nagpapalano raw patayin ang gubernador ng probinsya at meyor ng syudad.

Detenido ngayon sina Ribogapil Holganza, pangkalahatang kalihim ng oposisyonistang PDP sa Gitnang Kabisayaan; si Dr. Filomen Alberca, isang komentarista sa radyo; at lima pang iba.

Ang panggigipit kina Holganza ay indikasyon ng pagkabahala ng mga reaksyonaryo sa di mapigil na paglakas ng kilusang masa at sa pagtapang ng ligal na oposisyon, ayon sa mga tagamagid ng pulitika sa Cebu.

## Israel, kinondena

Minsan pang kinondena ng pandaigdigang komunidad ng mga bansa ang guberno ng United States at ng Israel, nang manawagan ang Pangkalahatang Asamblea ng Mga Bansa ng Nagkakaisa na ihinto ang lahat ng tulong sa Israel na manalakay sa mamamayan ng Palestine at ibang bayang Arabe.

Ang Organisasyon pera sa Pagnapalaya ng Palestine (PLO) ay dapat magkaroon ng katayuang kapantay ng ibang kasangkot, sa anumang negosasyong tutungo sa komprehensibong solusyon ng usapin sa Gitnang Silangan, ayon sa resolusyong inaprubahan ng 113 bansa noong Disyembre 22.

Iginiit pa ng pandaigdigang asamblea na dapat usalis ang Israel sa lahat ng inookupahan nitong teritoryong Arabe upang mabigyang daan ang pagpapasya sa sarili ng mga Palestino.

Sa kabila ng ganitong pagtuligsa ng higit na nakararaming bansa sa daigdig, ipinagpatuloy ng imperyalismong US ang ayuda't panumaisol nito sa Israel. Namamagitan ito sa kasalukuyang pag-usap ng mga guberno ng Israel at Lebanon, na inookupahan ng mga tropang Israeli.